

萬
盒
類
稿

1500

萬

全

集

卷

之

一

上

蒿廬類稿卷二十九

今茲東宮薨逝哀誄二

賜進士及第翰林院編修本衙門撰文臣馮煦恭擬

山東巡撫張曜祭文

竊維聖朝設官分職各盡其職

朕惟聽鼓鼙而懷良將難忘盡瘁之忱錫圭鬯而獎勞臣
正倚方剛之佐嘉遠猶之屢告思日能襄悼末疾之偶嬰
大星遽隕爰頒嘉奠用勵殊勛爾原任山東巡撫張曜志
篤精純材優幹濟旣謨猷之內燭亦弢略之外符屬以寇
氛起而敵愾援枹雷動小醜狼奔飛檄茲流渠魁蛾伏一
麾坐鎮循聲介韋白之閒七校專征偉烈樹光黃之際刈
毫都而秉鉞砥蒿少而舉旂荷相輔之限遊無西體東
先帝特達之知協太人師貞之吉甫宣藩翰俄總戎旃允

文武之兼資屏除一格亦猛寬之交濟經營四方隴下留
屯士識投壺之雅天山戡定人歌傳箭之勛振旆西歸秉
鞭東鎮封章夕上懲蠹蝕於錐刀飛蓋晨巡拯鴻噉於衽
席吏各安其教令民並仰其設施石礎百盤早建防河之
策戈船三翼更張橫海之威由豫而皖而邊陲轉戰越三
萬里自令而牧而專閫敷歷垂四十年入稟廟謨出隆疆
寄方資倚畀倏告淪徂每披易簣之遺章猶塵運籌之遠
略臨軒震悼撫几驚嗟念茲匪懈之誠沛以殊常之澤進
階宮保列傳史宥華袞重延俾善人之有後帑金更錫信
廉吏之可爲素旄言旋雕筵式薦於戲緬在昔西疆風靖
屹然留銅柱之銘愴今茲東岱雲歸邈矣變玉旌之色欽

山東巡撫張曜碑文

朕惟文武兼資者佐命之英賢初終不替者酬庸之茂典
生則望隆三府辰猷上播於鈞衡沒則寵逮重泉申命下
銘於鐘卣爰頒溫綽俾勒貞珉爾原任山東巡撫張曜機
鑒清邁材猷練達甫膺百里之寄迺蘊六弢之奇車鼻未
擒旄頭始奮三曾秉武晨摧南部之鋒八校分行夕執東
都之銳一甄縣譜再續州箴貫夷險於一誠綜洪纖於百
度棠陰聽訟恢閔抱而文通柳幄宣勞展壯猷而武達所
向皆捷何遠弗賓移旌嵩洛之陰弭節伊涼之部封狼胥
於漠北卷甲前趨綏雁戶於渭南扶輪後侍一封乘傳旣
清玉塞之塵三接來朝亦直金門之衛峻功甫奏懋賞頻

頒籍注丹毫中丞實六卿之長冠影翠羽都護廟五等之
班入告嘉猷戴斗杓爲喉舌出撫方鎮壯干城爲腹心乍
鞅掌於潯龔俄建牙於海岱拔尤甄逸識羣士之雲興解
嬈除苛徵庶民之星好循績已更夫三考懋秩將畀以九
遷紫閣留形儼觀鄂公之毛髮黃圖翊運難忘祈父之爪
牙方資仗節之勞遽悼騎箕之速寵施迭賁軫惜逾恆張
治譜於四維生民不匱樹威稜於六伐克敵爲昭錫以嘉
名曰勤曰果於戲萬里鷹揚紫塞奏摩崖之績一朝鶴化
丹書鐫表墓之文以勵後昆毋忘前列

山東巡撫張曜入祀賢良祠祭文

朕惟裒賢崇德書垂元祀之文禦患扞災禮重大烝之典
執干戈以衛社稷勤事宜先布几筵以薦馨香報功不朽
旣鐫貞碣更脩崇祠爾原任山東巡撫張曜蜚聲士表奮
跡戎行當逋寇之稽誅有異軍之特起始治兵於蓼國玉
弩銷芒繼作宰於茹陂金樞肅憲西陽秉鉞攻同開維戊
之章南鄧麾戈耆定叶由庚之奏藩條乍綰幕府重開瞻
百二之堯封乘輅東狩總三千之越練卷旆西征歌傳敕
勒之餘威謦伊吾之表風行榆塞張我武之維揚日覲楓
宸嘉爾能之各奏辰章寵被子惠旁敷往提百粵之封來
按三齊之部旅歸士忭吏畏民懷遠邇皆孚臨事能持大

體表裏如一端居倍矢小心際三川橫溢之時規千乘順
流之軌檐帷曉駐褰茱爲塞宣房舟楫宵巡伐竹更徵淇
右寢饋胥輟櫛沐維勤正緣事而效忠乃積勞而致疾沈
菑未澹良弼先徂生有自來允作禁中之頗牧沒而猶視
再生閭外之甘陳旣著績於旂常宜升馨於俎豆青蘋春
薦儼布澤於漢南丹荔秋陳恍宣威於潯北壯心未沫常
懸捧日之心偉略誰儔永列凌煙之次嘉其勤果祀以賢
良於戲風卷靈旗繼一代從龍之彥雲升嘉鬯順三終成
象之章懿此潔蠲庶其歆饗

刑部尙書嵩申碑文

朕惟尙書爲喉舌之司明刑特重都護實瓜牙之寄宿衛
攸資生則績懋雲司兼獎成勞於少府沒則恩施露湛宜
隆幽寵於重泉爰沛溫綸俾鐫貞碣爾原任刑部尙書嵩
申植躬醴粹幹事閎通學早懋於家修材更優於國故纘
承舊德誦三世之清芬綜貫羣言通六家之要指旣登甲
第彌習庚經校東觀之秘藏董西清之庶務刪繁補漏端
渠範於秩宗酌盈劑虛贊權衡於計相周廬夕衛領三衙
統制之班藩部晨朝理四譯會同之要權司再督廉而不
阿文柄屢持澄而不撓洎邦刑之是掌愈朝望之允孚斂
楚獄凡四百餘信猛寬之交濟決蜀罰至二十上疑輕重

之胥平實錄一朝昔珥丹毫而記注會修六典今披青纂
而裁量旣擅文通亦徵武達班崇豹尾肅蘭錡之前行校
列螭頭精柳圍之後勁而又宣勤內府尙食上方宮銜寵
進於三孤宸翰榮頒於五秩烏臺平決屢聞執簡之爭鸞
禁迴翔更式鳴鞭之度綜萬壽昆明之勝得侍游觀儲三
雍雅樂之材俾資教習方深倚畀倏告淪徂念執事之維
勞洵易名而無忝勤學好問徵歆然自歉之衷衷過盡忠
矢慎爾在公之志曰文曰恪象厥生平於戲三宥而爽鳩
有寄每懷司憲之風重霄而化鶴來歸盍視樹阡之表用
揚休命以勵後昆

工部尙書祁世長祭文

朕惟職專喉舌司空實百揆之先任寄腹心京兆爲三輔
之最方成勞之是獎胡末疾之不斟贈卹旣優潔蠲亦逮
爾原任工部尙書祁世長持躬恪謹績學淹通縣世澤於
青箱扇門風於黃散早登東觀洵長西臺廉而不劇懷楊
震之四知直而不阿陳魏徵之十漸青齊按俗持斧宣威
紫禁趨公鳴鞭表度一翔使節收湘曲之梗枿再校禮闈
作洛京之棧樸視學歷三省而澤姑孰爲尤深效職徧六
官而總司憲爲最久洎陟正卿攸資良弼執三朝之傳笏
正色維昭際四裔之獻琛隱憂獨切筦紫標於少府稽紅
朽於太倉唐仁祖之領工曹才本優於理劇柳仲郢之兼

京尹誠彌竭於撫災倚畀方深淪徂倏告厲清操而敦亮
節中朝孰比其丰裁遠新進而親老成遺疏不忘夫匡弼
披章震悼撫几驚嗟頒經被而飾終肆禮筵而式奠於戲
舊臣不作愴百年喬木之遺浩氣常存歆一刍秋蘋之薦
爾靈未沫尙克欽承

工部尚書派世具祭文

工部尙書祁世長碑文

朕惟百工釐敘資蘭省之清裁三輔提封展莎廳之幹略
正秉鞭而作牧俄撤瑟而告終爰沛溫綸俾鑄貞碣爾原
任工部尙書祁世長機鑒閎通襟期淵默誦清芬於三世
綜要旨於六家甲第早登庚經彌習學期世用每陳陸贄
之編清恐人知不納胡威之絹甫校文於衡麓旋按事於
濟陽學傳三乘溯皖浙而達畿輔禮闈再總選庠塾而貢
成均旣周歷乎六曹迺游登乎三事陟西臺而平決白簡
霜飛直東觀而參陪丹書日講洎司秋憲再補冬官肅柱
後之羽儀宣輦下之喉舌司空掌邦土端揆旣式乎三朝
京兆冠臺衡董正更先乎百郡格遠人而屏異物端居獨

抱殷憂稽少府而覈太倉臨事能持大體閱猷未竟碩輔
先徂緬幹事之維貞易嘉名而肇錫勤學好問見表裏如
一之誠補過盡忠矢進退無私之志諡曰文恪象厥生平
於戲典型安在虎賁尙識乎遺規靈爽式憑鶴化定歸乎
華表嘉茲休命勵爾後昆

軍機大臣兵部尙書許庚身祭文

朕惟六師職重尙書兼喉舌之司一德謨明樞輔實股肱
之寄方嘉猷之是賴胡末疾之不斟遽悼騎箕宜頒奠卹
爾原任軍機大臣兵部尙書許庚身質性忠純經猷練達
早紹蘭臺之學遂躋薇省之班東觀晨參西園夕值淹通
舊典屢承門下之咨愼密深衷不道禁中之事旣兼內制
游陟列卿甫秉節於黔中俄乘輶於江左一視豫章之學
剗僞還醕再衡京兆之文拔尤甄逸洎司秋憲復長夏官
每聞造郅之陳彌獲沃心之效亦謀亦斷萬幾襄日贊之
勤不激不隨八表仰風規之正綜庫務而靖其匪懈晉宮
銜而眷注攸隆經營四方紀丹書之遠略會修六典抒青